



- SENAT –

Broj: 01-6-30/24

Sarajevo, 27. 11. 2024. godine

Na osnovu člana 61. Zakona o visokom obrazovanju („Službene novine Kantona Sarajevo“ broj: 36/22) i člana 64. Statuta Univerziteta u Sarajevu, a u vezi sa članom 9. Pravilnika o stjecanju i korištenju akademskih titula, stručnih i naučnih/umjetničkih zvanja na visokoškolskim ustanovama na području Kantona Sarajevo („Službene novine Kantona Sarajevo, broj: 46/23, 3/24, 26/24, 41/24), razmatrajući Preporuku Odbora za nastavu i studentska pitanja Univerziteta u Sarajevu, broj: 0105-11165-2/24 od 05. 11. 2024. godine, Senat Univerziteta u Sarajevu je na 2. redovnoj sjednici održanoj 27. 11. 2024. godine, donio *sljedeću*

ODLUKU

I

1. Skraćenice akademskih titula, stručnih i naučnih/umjetničkih zvanja za kandidate koji su okončali studij zaključno sa 30. 09. 2024. godine, u skladu sa Spiskom akademskih titula stručnih i naučnih/umjetničkih zvanja koja se mogu sticati na visokoškolskim ustanovama na području Kantona Sarajevo („Službene novine Kantona Sarajevo, broj: 46/23, 3/24, 26/24) stavlja se iza, odnosno ispred imena i prezimena lica, koje ga je steklo, na sljedeći način:
 - a. za prvi ciklus studija: Bakalaureat/Bachelor - označava se sa "BA" uz naznaku stručne oblasti i oznaku usmjerenja ukoliko postoji shodno studijskom programu;
 - b. za prvi ciklus studija iz grupacije tehničkih nauka: Bakalaureat/Bachelor inženjer - označava se sa "BA ing." ili „BA inž." uz naznaku stručne oblasti i oznaku usmjerenja ukoliko postoji shodno studijskom programu;
 - c. za drugi ciklus studija: Magistar - označava se sa "Mr." uz naznaku stručne oblasti i oznaku usmjerenja ukoliko postoji shodno studijskom programu;
 - d. za drugi ciklus studija iz grupacije tehničkih nauka: Magistar diplomirani inženjer - označava se sa "Mr. dipl. ing." ili „Mr. dipl. inž." uz naznaku stručne oblasti i oznaku usmjerenja ukoliko postoji shodno studijskom programu;
 - e. za integrisani studij: Magistar - označava se sa "Mr." uz naznaku stručne oblasti;
 - f. za integrisani studij iz grupacije medicinskih nauka izuzev Farmaceutskog fakulteta: Doktor - označava se sa „Dr.“ uz naznaku stručne oblasti i usmjerenja ukoliko postoji shodno studijskom programu;

- g. za treći ciklus studija: Doktor nauka ili Doktor umjetnosti - označava se sa "Dr. sci." ili "Dr. art." uz naznaku naučne/umjetničke oblasti i oznaku usmjerenja ukoliko postoji shodno studijskom programu.
2. Skraćenice akademskih titula, stručnih i naučnih/umjetničkih zvanja za kandidate koji su okončali studij počevši od 01. 10. 2024. godine, u skladu sa Spiskom akademskih titula stručnih i naučnih/umjetničkih zvanja koja se mogu sticati na visokoškolskim ustanovama na području Kantona Sarajevo („Službene novine Kantona Sarajevo, broj: 41/24) stavljaju se iza, odnosno ispred imena i prezimena lica, koje ga je steklo, na sljedeći način:
- a. za prvi ciklus studija: Baccalaureus/Baccalaurea - označava se sa „Bcc.“ uz naznaku stručne oblasti i oznaku usmjerenja ukoliko postoji shodno studijskom programu;
- b. za prvi ciklus studija iz grupacije tehničkih nauka: Baccalaureus/Baccalaurea inženjer - označava se sa „Bcc. ing.“ uz naznaku stručne oblasti i oznaku usmjerenja ukoliko postoji shodno studijskom programu;
- c. za drugi ciklus studija: Magistar/Magistra - označava se sa "Mr." uz naznaku stručne oblasti i oznaku usmjerenja ukoliko postoji shodno studijskom programu;
- d. za drugi ciklus studija iz grupacije tehničkih nauka: Magistar diplomirani inženjer - označava se sa "Mr. dipl. ing.“ uz naznaku stručne oblasti i oznaku usmjerenja ukoliko postoji shodno studijskom programu;
- e. za integrisani studij: Magistar/Magistra - označava se sa „Mr.“ uz naznaku stručne oblasti;
- f. za integrisani studij iz oblasti veterinarskih, medicinskih i stomatoloških nauka: Doktor/Doktorica - označava se sa „Dr.“ uz naznaku stručne oblasti i usmjerenja ukoliko postoji shodno studijskom programu;
- g. za treći ciklus studija: Doktor nauka ili Doktor umjetnosti, Doktorica nauka ili Doktorica umjetnosti - označava se sa "Dr. sci." ili "Dr. art." uz naznaku naučne/umjetničke oblasti i oznaku usmjerenja ukoliko postoji shodno studijskom programu
3. Akademski titula i stručno zvanje nakon završenog prvog ciklusa studija stavlja se iza imena i prezimena lica koje ga je steklo, sa naznakom stručne oblasti i usmjerenja ukoliko postoji shodno studijskom programu.
4. Kada se kod drugog i trećeg ciklusa studija skraćenica akademske titule, stručnog ili naučnog/umjetničkog zvanja koristi sa naznakom stručne, odnosno naučne oblasti i usmjerenja, ukoliko postoji shodno studijskom programu, stavlja se iza imena i prezimena lica koje ga je steklo.

5. Kada se kod drugog i trećeg ciklusa studija skraćena akademske titule, stručnog ili naučnog/umjetničkog zvanja koristi bez naznake stručne, odnosno naučne oblasti i usmjerenja, stavlja se ispred imena i prezimena lica koje ga je steklo.
6. Kada se kod integrisanog studija i trećeg ciklusa studija medicine, veterine i stomatologije te drugog i trećeg ciklusa studija zdravstva, skraćena akademske titule, stručnog ili naučnog/umjetničkog zvanja koristi sa naznakom stručne odnosno naučne oblasti i usmjerenja ukoliko postoji shodno studijskom programu stavlja se iza imena i prezimena lica koje ga je steklo.
7. Kada se kod integrisanog studija i trećeg ciklusa studija medicine, veterine i stomatologije te drugog i trećeg ciklusa studija zdravstva, skraćena akademske titule, stručnog ili naučnog zvanja koristi bez naznake stručne odnosno naučne oblasti i usmjerenja ukoliko postoji shodno studijskom programu stavlja se ispred imena i prezimena lica koje ga je steklo.

Obrazloženje

Članom 9. Pravilnika o stjecanju i korištenju akademskih titula, stručnih i naučnih/umjetničkih zvanja na visokoškolskim ustanovama na području Kantona Sarajevo („Službene novine Kantona Sarajevo, broj: 46/23, 3/24, 26/24, 41/24) utvrđena je obaveza visokoškolskih ustanova, odnosno Senata da utvrdi skraćene akademskih titula, stručnih i naučnih/umjetničkih zvanja kao i način njihove upotrebe.

Cijeneći navedeno, Senat Univerziteta u Sarajevu je donio odluku kao u dispozitivu.

REKTOR

Tarik Zaimović
Prof. dr. Tarik Zaimović



Dostaviti:

- Članicama Univerziteta u Sarajevu (**putem Službe za nastavu i studentska pitanja**)
- U dokumentaciju Odbora za nastavu i studentska pitanja
- Službi za nastavu i studentska pitanja
- U dokumentaciju Senata
- Arhivi

